



COMUNE DE PÀDRIA

DELIBERATZIONE DE SA GIUNTA COMUNALE N. 14 DE SU 17/02/2023

OGETU: MONUMENTOS ABERTOS 2023. ADESIONE A SA RETE NATZIONALE ORGANIZADA DAE S'ASSÒTZIU CULTURALE IMAGO MUNDI ONLUS. DIRETIVAS.

S'annu duamìgia e bintitres sa die deghesete de su mese de Freàrgiu a sas 16.30, in s'UFÌTZIU DE SU SÌNDIGU, acumpridas chi siant sas formalidades prevididas dae sa Lege de s'Istadu e dae s'Istatutu, s'est reunida sa Giunta Comunale sutu de sa presidèntzia de su SÌNDIGU DUT. MURA ALESSANDRO.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	DUT. MURA ALESSANDRO	EMMO
VITZESÌNDIGU	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO
ASSESSORE	PIRAS ANGELO	EMMO

Presentes n° 4 Ausentes n° 0

Partètzipat su SEGRETÀRIU COMUNALE DUT. RIU FRANCESCO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e decrarat aberta sa setziada pro trattare s'ogetu mentovadu in subra.

SA GIUNTA COMUNALE

Premìtidu chi:

- Comente costumàntzia giai dae tempus cunsolidada, s'Assòtziu *Imago Mundi*, coordinadore de sa rete natzionale de Monumentos Abertos, at propostu de realizare, puru in su 2023, sa manifestatzione “Monumentos Abertos pro fàghere a connòschere sos territorios interessados umpare a sas bellas istòricas, architètônicas e paesagìsticas;
- s'initiativa, nàschida cun sa punna de iscobèrrere torra tratada e testimonias de su tempus coladu, insistit in sas linias suas de base promovende s'iscorberta torra de sas identidades locales e s'amparu e sa valorizatzione de sos benes culturales e ambientales de sas realidades interessadas;

Ammentadu chi sa fòrmula traditzionale previdit, in sas dies de sa manifestazione (de sòlitu sàbadu e domìniga), s'abertura de cantos prus monumentos possìbiles, in particolare cussos chi sunt de sòlitu serrados o de atzessu difitzile, pro torrare disponìbiles a su pùblicu gràtzias a sas visitas ghiadas fatas dae sos voluntàrios e istudiantes de sas iscolas;

Pretzisadu chi, pro su 2023, s'Assòtziu *Imago Mundi* at cunsigliadu s'ammanadura de s'eventu in sa forma clàssica sua, in su fine chida **dae su 6/7 de maju a su 3/4 de làmpadas de su 2023;**

Evidentiadu, in particolare, comente s'Assòtziu matessi apat sebestadu pro s'edizione 2023, su slogan “Pratiche di meraviglia”, custa ùrtima cunsiderada comente “*una conditzione de sentidu cumplessa, chi aunit timoria e ispantu, ammiratzione e reverèntzia, amaju. Un'impèllida a abbaidare dae a curtzu cussu chi abbaidamus semper comente chi esseret a tesu ma in sa realidade no est, est solu pagu connotu e aprofondidu.*”

Sutalineadu chi su Comune de Pàdria at unu patrimòniu istòricu e archeològicu de interesse mannu;

Ispetificadu chi aderire a custa manifestazione cheret nàrrere:

- a) garantire chi sigat un'eventu culturale bene resessidu in sos annos colados;
- b) àere atzessu a unu multiplicadore eficatze de s'impinnu econòmicu rechestu a sas amministratziones s'ingulas: su valore de una rete ampra e afortiada;

Ritènnidu chi tra sos còmputos fundamentales de su Comune torrat de seguru sa promotzione e sa valorizatzione de su territòriu pròpiu, cunforma a s'art.3 de su Dlgs n. 267/2000 e mm.ii.ii.;

Averiguadu chi, in relata a sa programmatzione de sa cale in ogetu, est ladinu chi b'est s'interessu generale, cunforma a cantu apostivigadu dae s'art. 13 de su Dlgs n. 267/2000 e mm.ii.ii. in tema de funtziones amministrativas de cumpetèntzia de s'Ente Locale;

Averiguadu chi s'adesione a custa manifestatzione giai fata resurtat cunforme a sos obietivos istratègicos politicu-amministrativos pessighidos dae s'Ente e paret, pro custa resone, meritèvole de aprovatzione, ca est idònea a sa promotzione e a sa valorizatzione culturale, turìstica e econòmica de su territòriu, puru in s'istajone pandèmica attuale e duncas cun sas prescritziones obligatòrias chi cunsighint;

Giugare chi bi sunt, pro cantu in ogetu e in aplicatzione de su printzìpiu de sussidiariedade orizzontale *ex art. 118 comma 4 de sa Costituzione*, sas finalidades de interessu pùblicu ligadas a s'esigèntzia de sa valorizatzione de sas atividades orientadas a sa frunidura de servìtzios de rilevàntzia pro totus de cumpetèntzia de s'Ente e a fronte de sa farta de interbentu istituzionale deretu, comente s'amparu de sas costumàntzias identitàrias, culturales e sotziales de sa Comunidade Padriasa;

Valutadu, duncas, s'importu de protzèdere a s'acumprida de sas finalidades mentovadas iin subra

puru gràtzias a sa collaboratzione, in regime de cooperatzione, de sos assòtzios culturales, de sos comitados tzitadinos e de sos entes chi presentant a su Comune iniciativas de interessu particulare pro sa comunidade locale;

Rilevadu chi s'ispesa a càrrigu, de su Comune, pro sa manifestatzione in ogetu, est istimada in € 3.500,00 in totus, de sos cales € 3.000,00 comente tzifra a sustennu de sas ispesas pro totus sas atividades informativas e organizzativas asseguradas dae s'Assòtziu Culturale *Imago Mundi* Onlus de Casteddu, e isbursat € 500,00 pro comprarare mallietas e berreteddos;

Atestadu chi sa summa mentovada est disponìbile a su capìtolu 6313.2 Mis.05- Prog.02-Tit. 1 "Manifestatziones pro sa valorizatzione de su territòriu e de sas costumàntzias locales" de su Bilàntziu de Previsione 2023-2025;

Bidos:

- su DUP 2023-2025 aprovalu cun deliberatzione de su Consìgiu Comunale n. 5 de su 17/02/2023;
- su Bilàntziu de previsione finantziàriu 2023-2025 aprovalu cun deliberatzione de su Consìgiu Comunale n. 6 de su 17/02/2023;
- su Regulamentu de contabilidade de s'Ente, aprovalu cun deliberatzione de su Consìgiu comunale n.2 de su 06/02/2017;
- su Dlgs n. 267/2000 e mm.ii.ii.;
- su Dlgs n. 118/2011 e mm.ii.ii. e sos printzìpios contàbiles allegados;

Achisidos, subra de sa proposta de deliberatzione, sos parres a favore, allegados a custu provedimentu, de su Responsàbile de su Servìtziu Finantziàriu, in òrdine a sa regularidade tècnica e contàbile, cunforma a s'art.49, comma 1, de su D.Lgs. n. 267/2000 e mm.ii.ii.;

Riferidu chi subra de sa matessi proposta de deliberatzione n. 109 de su 17/02/2023 est istadu fatu, cun èsitu a favore su coordinamentu testuale netzessàriu a incuru de su Segretàriu Comunale;

Reconnota sa cumpetèntzia pròpia cunforma a sas dispositziones normative, istatutàrias e regulamentares in vigèntzia;

Intesa sa relata acraridora a incuru de su Sindigu e de s'Assessore Dettori, agiudados dae su Segretàriu comunale;

Bida s'oportunidade, in acordu, cun sa proposta tècnica sobrada dae sos ufitzios, de protzèdere a s'aprovatzione de custa deliberatzione pro sas finalidades in ogetu;

Reconnotu chi totu sos partetzipantes a sa setziada ant àpidu una visione preventiva e disponibilidade de sa proposta de deliberatzione chi pertocat s'ogetu;

cun votos a favore totu de acordu, espressados a manera legale, cunforma a cantu indicadu in subra

DELÌBERAT

De fàghere pròpias sas premissas narrative e motivatzionales a custu dispositivu cunsiderende las inoghe giutas torra e postas a manera integrale;

De aderire, in aplicatzione de printzìpios ispetzificados mègius in sa premissa narrativa e in regime de collaboratzione, a sa manifestatzione de Monumentos Abertos pro s'annu 2023, organizada dae s'Assòtziu Culturale *Imago Mundi* de Casteddu, chi s'at a fàghere in Pàdria in sos fine chida **dae su 6/7 de maju a su 3/4 de làmpadas de su 2023**;

De atestare chi s'ispesa chi derivat dae custu provedimentu paret giustificada, in su respetu de s'art. 3 de su Dlgs n. 267/2000 e mm.ii.ii. e de su printzìpiu de sussidiariedade de sa cale a s'art. 118 de sa Costituzione, in resone de sas esigèntzias chi sighint, descritas in sa parte de su comintzu:

- promòvere sas costumàntzias identitàrias, culturales, sotziales de sa Comunitàde ;
- valorizare sas atividades de sos Assòtzios Locales indirizados a sa frunidura de servìtzios de rilevàntzia pro totus de cumpetèntzia de s'Ente;

De dare incàrrigu a su Responsàbile de s'Àrea Finanziària e a su Responsàbile de s'Àrea Tècnica, onniunu pro sos atos de cumpetèntzia pròpia, a s'acumprida de cantu netzessàriu a sa realizazione de custa manifestazione;

De reconnòschere sa tzifra de € **3.500,00**, netzessària pro fàghere fronte sa cumpartetzipatzione de custu Ente a sas ispesas pro s'iniziativa de sa cale semus narende e pro comporare mallietas e berreteddos, agatat cobertura in su capìtolu 6313.2 Mis.05- Prog.02-Tit. 1 "Manifestatziones pro sa valorizazione de su territòriu e de sas costumàntzias locales" de su Bilàntziu de Previsione 2023/2025;

De dare incàrrigu a sa Responsàbile de s'Àrea Sòtziu-culturale in òrdine a sa trasmissione de còpia de custu atu a s'Assòtziu Culturale *Imago Mundi* de Casteddu;

De decrarare, in fines, cun àtera votatzione su matessi totus de acordu, custa deliberatzione luego esecutàbile cunforma a s'art. 134, comma 4, de su D.Lgs. 18 de austu de su 2000, n. 267 e mm.ii.ii., bida s'urgèntzia de nd'assegurare su perfetzionamentu sollitzitu de sas finalidades suas.

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **17/02/2023** at espressadu **parre A FAVORE**

PARRE DE REGULARIDADE CONTÀBILE

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **17/02/2023** at espressadu **parre A FAVORE**

SU SÌNDIGU

DUT. MURA ALESSANDRO

SU SEGRETÀRIU COMUNALE

DUT. RIU FRANCESCO

NOTA DE PUBLICATZIONE N. 128

Cunforma a s'art. 124 de su T.U. 267/2000 su Responsàbile de sa Publicatzione **SEGRETÀRIU COMUNALE DUT. RIU FRANCESCO** atestat chi in data 20/02/2023 s'est protzèdidu a sa publicatzione a s'Albu Pretòriu.

GIUNTA Atu N.ru 14 de su 17/02/2023

Sa Delibera est esecutiva cunforma a sas dispositziones de lege in vigèntzia

Còpia digitale de documentu informàticu firmadu a manera digitale e produidu cunforma a su D.Lgs
82/2005 e normas respetivas cullegadas

GIUNTA Atu N.ru 14 de su 17/02/2023

